

812

causa, non video. Curiam enim ut honestius, ita libenter, partem illam ad ortum spectantem dixerim, in qua Senatus fere quotidie haberi solet. Senatum eum appello, quod illi, *Rogatorum concilium*: in quo amplissima quæque Reipublicæ currantur negocia. Ab initio veteres illi Imperii conditores, ut pleraque alia, hoc quoque ex Romana Republica acceperunt, ut eos qui in Senatu sententiam dicerent, Rogatos ideo nominaverint, quia in consultatione, ab eo qui Senatum haberet, rogaretur sententia. Sed hæc alio seorsum opere prolixius.

814

*Angelus  
Partici-  
tius Joa-  
nem filium  
collegam  
creat, atque  
buic abdi-  
cato surro-  
gat Jufti-  
nianum al-  
terum filium,  
& Angelum  
ex eo nepo-  
tis.*

Nunc ad Particiatii gesta redeo: qui quum duos haberet filios, alterum Justinianum nominatum, ad Leonem Græciæ Imperatorem misit: a quo benigne acceptum ferunt, amplissimisque verbis laudatum, ornatumque honoribus non parvis: alterum cui Joannes fuit nomen, sibi interim collegam instituit. Quod ipsum Justinianus reversus, ita indigne tulisse dicitur, ut ad conspectum patris venire pertinaciter recusarit. Verum senex, quum filii desiderium diutius ferre non posset, Joanne abdicato, qui publica administratione, ne jubente quidem patre, nisi populus coegisset, videbatur abiturus, Justinianum, & Angelum ex Justiniano nepotem, collegas sibi in Principatu cooptavit: Joannem magistratu abire jussum populus Constantinopolim relegavit. Tradunt quidam, eum ultro ad Leonem Imperatorem venisse, quum Pergami esset: unde reversus jubente patre, Constantinopolim cum conjugè & liberis profectus sit. Sub id tempus sacrum Zachariæ corpus cum parte vestium, tum Christi nostri Regis, tum Divæ quoque Virginis, & cum his Dominicæ crucis lignum a Leone Imperatore Particiatius dono accepit: atque ea omnia in ædem, quam Zachariæ nomine erigendam curaverat, rite condidit. Traduxit præterea, Joanne Abbate annitente, ex fano Divi Servuli Monachos in ædem Hilarii, quæ tum in extrema Rivalti parte fuit: nunc ejus vestigia intra continentem a peritis locorum monstrantur. Eadem etiam tempestate, Severi & Laurentii fana in insulis, quæ olim Geminæ dicebantur, Joanne Particiatio au-

819

*D. Zacha-  
riæ corpus,  
et alijs sa-  
cerdis mun-  
ribus a Leo-  
ne Imp. ad  
Angelum  
Ducem mit-  
titur.*

821

*Aedes sacre  
DD. Zacha-  
rie, Severo,  
Laurentio  
condita.*

Aure